

ماذا سيحدث لك بعد الموت ؟ سلسلة بناء النفس المطمئنة (

م / علاء حامد

علاء حامد

الحمد لله وشهاد ان لا الله الا الله وحده لا شريك له وشهاد ان محمد عبده ورسوله صلى الله عليه وسلم. اما بعد ففي طريق الانسان لاصلاح النفس يحتاج ان هو آآ يستعمل اقصى العوامل المؤثرة على - 00:00:00

النفس يعني لازم يفقه ازاي يتعامل معها. ادي النفس يعني لها عدة طرق للتعامل عدة طرق للاصلاح احنا ركزنا في الفترة اللي فاتت على الامراض اكتر. ايه الامراض اللي فيها؟ وازاي الانسان يتعامل معها - 00:00:25

لكن لابد ان يكون بالتواري مع الاصلاح بناء. يعني تعاملك مع النفس. لازم يمشي على محورين. اصلاح شيء فاسد فيها. وفي نفس الوقت بناء بقى. انت بتبني حاجة بتتفعل. فالبناء دوت محور موازي. حتى مش - 00:00:46

هفضل طول عمرك بتعمل رد فعل عندك رباء نتعامل معه. عندك عشب اتعامل معه. عندك كسل يعني كل حاجة انت هي بتبدأ وانت بتبتدي ترد بس لكن انت ما عندكش مبادرة - 00:01:06

انك انت وانت في الحالة العادية تجاهدها. من غير ما يكون في مشكلة اصلا. او حتى لو ما فيش سبب يعني انت مش شايف ان انت عندك مشكلة وقت معينة انك انت بتتدرك نفسك قبل هي ما بتدرك. واحد بالك؟ فلا بد ان يمشي المسار في اصلاح النفس على طريقين. طريق - 00:01:21

اصلاح العيوب اللي فيها وطريق تأصيل الخير اللي فيها. لذلك ممكن احنا نتكلم الفترة القادمة عن البناء الانسان يبدأ بيمني في نفسه نفس طيبة. ازاي ان هو يوجهها؟ ازاي ان هي بتبقى خلاص يحاول يغير فيها او يحاول يسوسها بطريقة - 00:01:41

ان هي تلين له على الدوام لما تتبع وسائل هذه الوسائل او تستقر القرآن تجد ان من اقوى الوسائل على الاطلاق ان النفس تستجيب بسرعة فيها انها تربى على الترغيب والترهيب. او بمعنى ابسط المكافآت والعقوبات - 00:02:01

احنا قلنا كذا مرة ان النفس دي عاملة زي الایه؟ زي الطفل الصغير زي الطفل الصغير. فكما ان تجد الطفل دوت اكتر حاجة تشجعه المكافأة. واكتر حاجة تخوفه العقاب. وكلنا كبرنا على كده اصلا - 00:02:26

كلنا بتشجعنا المكافأة ويخوفنا العقاب وهو ده اللي بيصلحنا لذلك يقول لك النفس لا تتحرك في العادة. الا اذا كان هناك خوف يقللها او شوق يحركها يعني اما ان هي تكون خايفة من حاجة او اي او مشتاقة لحاجة او اي. دي الحاجتين اللي بيخلوها تتحرك بسرعة جدا. غير كده ما فيش حاجة مخوفها - 00:02:40

ما فيش حاجة محتاجها او مشتاقة لها في العادة ما بتتحركش حتى لو كان امر من امور الدنيا. انت تجد ذلك طول ما ما فيش امتحان ما بتتحركش. اول ما يقرب تلاقي نفسك كل كل المشاكل اللي عندك اتحلت. بقت نسيط ويتناول قليل بتتكل - 00:03:06 قليل ومركز. يعني كل المشاكل اتحلت. ليه؟ بسبب وجود خوف. في خوف معين عندك. لما كنت بتنام و بتتصحى متاخر يوم الامتحان بتتصحى بدرى جدا رغم انك انت نائم متاخر رغم ان انت نومك تقيل بس قمت. وعادى وفائق ورحت امتحان بيترتب عليه مستقبلك يعني مركز - 00:03:26

يا مش قايم قرفان كمان لا ده انت قايم ومركز. بسبب خوف شديد. كذلك الانسان لو منتظر حادس جميل في حياته آآ فسحة رحلة اي حاجة يجد عنده همة ونشاط ينام قليل ويطبق ويروح ويلعب ويقضي يوم كامل وعادى جدا وممكن يستحمل وهو مستمتع جدا -

بسبب ان في مكافأة هو منتظر مكافأة معينة. على ذلك ربنا الله سبحانه وتعالى فكان حديث القرآن تجد كثير جدا في حديث عن الترغيب والترهيب. لأن هي النفس كده. فالتعامل مع الدار الآخرة. كوسيلة أساسية قوية - 00:04:07

جدا في بناء النفس لازم يكون ده جزء اصيل في حياتك انك انت تعيش مع مع الغذاء ده مش هنسمي دواء. لأن ده مش باخده في حالة معينة مش زي العجب واتكلمنا عن حاجات معينة ممكن تحل مشكلة مؤقتة. لكن انا بتكلم دلوقتي عن غذاء بتغذى به نفسك دائمًا. لأن انت لن تصح الا بذلك - 00:04:27

ده مش دواء بتاخده لما بتبقى عيآن. ده غذاء دائم على الدوام صبح وليل لازم تذكر نفسك به. فازا نجحت في الامر دوت ستجد نفسك تلين على الدوام. مش هتيجي بقى مشكلة ونبتدي نتعامل معها خلاص - 00:04:50

انت خلاص النفس لانت. بسبب كسرة تذكر الدار الآخرة. كسرة امارات حالات الخوف وحالات السعادة على النفس والذهن دايما بتفكر نفسك بها تجد في نفسك نشاط بقى وهمة وتلقي الكسل راح. وتلقي نفسك بقىت كويس. وتلقيها في ساعة بتغض البصر عادي. وتلقيها بتصلني عادي وبتخشع وبتقوم صلي الفجر وبتتنقى الله - 00:05:06

كلامها خلاص بقى عادي. بقى سهل عليك. لذلك ربنا سبحانه وتعالى بيتكلم عن العماقة. يقول واذكر ابراهيم واسحاق ويعقوب كل من الاخيار واذكر اسماعيل واسحاق ويعقوب اولي الايدي والابصار. ازاي كان اولي ايدي وابصار؟ قولي - 00:05:35

يعني قولي عمل دؤوب. وابصار يعني اصحاب علم كبير. فعنه علم كبير وعمل دؤوب. ما فيش احسن من كده. منين باقي يجنن العمل ده قال انا اخلصناهم بخالصة ذكري الدار بس وانهم عندنا لمن - 00:05:58

وفي الاخيار؟ تجد ان القرآن لم يذكر شيء عن ابراهيم اسحاق ويعقوب الا المحور دوت. ازاي وصلوا للهمة ديت؟ ازاي وصلوا القوة ديت في البأس والعمل. ان اخلصناهم بخالصة ايه؟ ذكر الدار. لأنهم كانوا دائمًا يذكرون الدار. لا - 00:06:18

عنها ابدا. فازا تخيل بقى الانسان عايش في حياته لا ينسى الدار الآخرة في الشارع. وهو بيتص على البنت وهو انما يأتي الانسان من الغفلة. مش كده؟ قالت تعالى اقترب للناس حسابهم ادي دار الآخرة وهم في ايه؟ غفلة - 00:06:38

وبالتالي معرضون يعني ما ما يأتي الاعراض وما تأتي المعصية وما تأتي المخالفات الا بسبب ايه؟ غفلة عن الدار الآخرة. فازا كان الانسان استطاع ان هو هو يمرن نفسه ويخللي نفسه آسرع الاستحضار للدار الآخرة دائمة الاستحضار للدار الآخرة يرى في كل - 00:06:55

كل مشهد جنة ونار يرى في كل موقف قبر يرى في كل كلمة آآ ميزان وصراط ويرى حساب ومحاسبة بين يدي الله سبحانه وتعالى وقنطرة وميزان هو الدنيا كلها كده عنده - 00:07:15

فده هيتكلم ازاي؟ هيصللي ازاي؟ هيتعمل في شغله ازاي؟ هيذاكر حتى ازاي؟ شخص مختلف تماما. هتجد نفسك جدا لينة جدا خالصة ذكري الدار. لذلك تجد الشرع ما يربط بين السلوك وبين قوة الايمان باليوم الآخر - 00:07:34

لان قوة الايمان باليوم الآخر تؤثر بلا شك على السلوك. قال النبي عليه الصلاة والسلام من كان يؤمن بالله واليوم الآخر بالزات اليوم الآخر فليكرم جاره فليقل خيرا لرسمة الحديث. لكن علق ان اللي يقدر مين اللي هيقدر يعمل كده؟ اللي ايمانه قوي باليوم الآخر - 00:07:57

ربنا قال على النساء مسلا ولا يكتمن ما خلق الله في ارحامهن ان كن يؤمن بالله واليوم الآخر. يعني لو هم فعلًا ميلاد باليوم الآخر مش هيكتمو ما خلق الله في ارحامهن. هيقولوا الصدق. مش هيكتبوا. مش هتقول انا حامل ولا مش حامل مش تقول انا مش حامل وهي حامل. مش تكتب. لأن هي - 00:08:16

عندما الكذبة دي بتتحول على طول عندها لمشهد يوم القيمة مشاهد يوم القيمة بقى الكذابين هي حافظاتها وبالتالي تيجي تفكر تكتب ما بتقدرش بقى قدرت تعالج نفسيا من الكذب ولا قدرتش؟ ايه اللي ايه اللي اساعدتها على كده؟ ذكري الدار. ذكري الدار. قال النبي مثلا - 00:08:36

آ قال الله سبحانه وتعالى ويل للمطففين. الناس اللي بيسرقوا في البيع والشرا وبيكدوا الذين اذا اكتالوا على الناس يستوفون. اذا
كالوهم او وزنوهم يخسرون. وبعد كده ليه؟ الا يظن اولئك - 00:08:56

انهم مبعوثون ليوم عظيم. يوم يقوم الناس لرب العالمين. يعني ده تصرف واحد لا يتصور انه مؤمن لأن ازا كان مؤمن بالاليوم الآخر ما
يتصور ان حد يعمل كده وهو مؤمن بالاليوم الآخر. يعني كيف يفعل ذلك؟ وهو مؤمن بالاليوم الآخر - 00:09:15
هو الناس دي كفار ولا ايه؟ هي الناس دي مش فاكرة مش حاسة ان هي هتبعد؟ لأن المعنى عاكسه. لو كان فعلاً عنده يقين في انه
يبعد لا يمكن ان هو - 00:09:35

يطفف في الميزان. مش كده؟ يبقى اثر ايمانك بالبعض يؤثر في السلوك. لذلك بقى بعد كده جت الایات دخلت في موضوع تاني
خالص. مش هو موضوع تاني نفس الموضوع كلًا ان كتاب الفجار كلًا ان كتاب الایه؟ الابرار. ايه علاقة ده بالمطففين؟ ده ده دي علاقة
اساسية. لأن انت لو المعاني دي واضحة - 00:09:48

عندك عمرك ما هتطففي في الميزان. عمر ما شيطانك هيغلبك ويقول لك معلش فلوس وبتاع وانت اولى وده قرش وهو وجلك مش
هتلاقي الكلام ده خالص تلاقي الموضوع اسهل من كده بكتير ان انت تصدق حتى لو خسرت. حتى لو ما جبتش مكسبها بس انت قلت
الحق. ما تفرقش معك. لانك انت مؤمن بايه؟ بيوم - 00:10:08

البعث دوت ربنا سبحانه وتعالى مسلا يذكر انسان يعني ان الانسان لربه لكنو. جاحد. وانه على ذلك لشهيد. وانه لحب الخير
لشديد. بعد كده يقول يا وازاي كده يعني؟ افلا يعلم - 00:10:28

اذا بعثر ما في القبور وحصل ما في الصدور. ان ربهم بهم يومئذ لخبير. فإذا كان الانسان عنده وضوح رؤيا في قضية الامام بالاليوم
الآخر لا يمكن ان يكون جاحد لا يمكن ان يكون كنود لا يمكن ان يقدم المال على عبادة الله سبحانه وتعالى - 00:10:44
ولذلك نفهم احنا من استقراء القرآن الكريم ان من اقوى الادوية لاصلاح النفس هو تربية النفس على قوة الایمان بالاليوم الآخر وهذا
يحتاج منك الى ان تقرأ كثيراً في الكتاب والسنة. تقرأ ازاي الكتاب بيتكلم عن الدار الآخرة - 00:11:04
ازاي رغبنا فيها؟ ازاي رهينا منها؟ وتقرأ في السنة. النبي عليه الصلاة والسلام قال ايه عن الدار الآخرة؟ وتكرر القراءة ديت. لغاية ما
انت نفسك تستقر في نفسك المعاني ديت. وتجد نفسك بتستحضرها بسهولة في حياتك. انت مش هتمشي بكتاب. انت ده اللي
هيشتغل - 00:11:27

بعد كده. اما تيجي واحدة حلوة تعدي قدامك لازم في حاجة تطلع بسرعة. الحاجة دي انت من كتر ما قريتها بقت بتستحضرها. هو ده
اللي احنا عايزينه. انك انت تتفكر مش مجرد تقرأ بس تتأمل تتفكر وتقعد تعصر دماغك وتقعد تحط نفسك في كل موقف وفي كل
مشهد وتقول لو انا هنا كان هيبي نفسى - 00:11:47

ايه اعمل ولا ما اعملش؟ تجيب مشهد السعادة ومشهد الالم مشهد الشقاء ومشهد الراحة وتقعد تكلم نفسك. انا لو هنا ايهرأيك تكون
هنا وهنا؟ كتر ما انت بتتكلم نفسك في في الحالة العادية تلاقي نفسك مسلا اما بتتعرض عليك الفتنة يطلع الایه - 00:12:07
مشهد ان انت معود نفسك عليه دوت. تقول لأ بسهولة المعصية ساعتها. بسهولة جداً يعني. يعني مش تجد في مجاهدة كبيرة. لانك
انت اتمرنت كويس. فبت Shirley بسهولة بقى ساعة الجد واحد بالك او انك انت ما تجدى نفسك بتنازعك نصلي ولا ما نصليش؟ نصوم
ولا ما نصومش؟ الموضوع بقى ايسر من ذلك - 00:12:27

كثير فتجد نفسك لانت بقى خلاص. هديت. حصل لها سياسة قوية سريعة. مش هيحصل مش هيحصل بقى الامراض تطفح عليك
ويلا نعالج ونواجه احنا واحدين اصلاً اغذية قوية جداً ضد الامراض. تمام؟ لذلك احنا النهاردة هنركز على احنا نستحسن النفس
بالطريقة ديت - 00:12:47

وهي طريقة تعريض النفس للمشاهد. المشاهد اللي هي المفروض انت تكررها كتير. في قراءتك وفي سماعك وتقرأ كتير عنها وتسمع
عنها وتتأمل فيها لغاية ما تبقى حقيقة واقع يقين في قلبك - 00:13:09
لو اتحولت المشاهد دي ليقين حقيقي في قلبك محتاج النتيجة مختلفة تماماً. خلونا النهاردة نستعرض شيء من المشاهد. ليوم القيامة

عشان احنا بنخدم نفس الباب دوت. باب استعمال الايمان باليوم الاخر في عملية تربية النفس. بناء نفس جديدة. خلينا نبدأ بالمشهد
الاول خالص. مشهد - 00:13:26

الاول في الرحلة يوم القيمة. ليكون عند النزع وعند السكريات. وعند خروج الروح يا ترى النفوس بتتنقسم لايه في الحالة ديت؟
النفوس بتتنقسم في الحالة دي الى نفسين. نفس طيبة ونفس خبيثة. نفس كانت فعلا - 00:13:49

متمرة وطائعة ومستحبة ومسترسلة في الطاعة. ونفس كانت عنيدة. تبغض الطاعة. لا ترضى بعبادة الله جل في علاه تعالى نشوف
المشهد الاخير يمكن المشهد دوت يحرك نفسك وي Shawqها ان هي تكون ترى المشهد الطيب وتفر المشهد - 00:14:09
الكثيب اللي هنشوفه دلو قتي. النبي عليه الصلاة والسلام في حديث طويل. حديث البراء بن عازب المشهور. وهو حديث صححه
الالباني رحمه الله. كان النبي عليه الصلاة والسلام هو فعلى قبر لم يلحد بعد. يعني لسة الناس بيدهنوه. فجلس النبي عليه الصلاة
والسلام وقال للصحابة وهم كلهم شايفين الرجل بيتدفن. قال - 00:14:29

اعيذ بالله استعيذوا بالله من عذاب القبر. قالها لهم مرتين او ثلاث. ثم قال اعوذ بالله من عذاب القبر ثلاثة عليه الصلاة والسلام ثم قال
ان العبد المؤمن المشهد الجميل بقى اللي انا عايز اعيش فيه عشان عايز انا نفسي - 00:14:49
المشهد ده يحصل معي. انا مش بقرأ الحديث عشان انت تتخيل عبد مؤمن. لأننا بقرأ الحديث عشان تتخيل انت دلو قتي انت كمان
شوية هتموت انت بكرة هتموت. يا ترى المشهد ده انت هتشوفه؟ ان العبد المؤمن - 00:15:09

اذا كان في انقطاع من الدنيا واقبال من الآخرة نزل اليه ملائكة من السماء بيض لأن وجوههم الشمس معهم كفن من اكفان الجنة.
وحاموض من حنوط الجنة. حتى نسوا منه مد البصر. ثم يجيء ملك الموت. حتى يجلس عند رأسه. فيقول - 00:15:24
ايتها النفس المطمئنة. شف بقى النفس الایه؟ المطمئنة. هي اللي هيتقاول لها كده. يا ترى صاحبها ده بنزل مجهد قد ايه عشان يتقال له
الكلمة ديت. يا ترى النفس دي هي النفس اللي بتتصلي الفجر مرة في週末؟ ولا ولا النفس دي اللي يعني اللي بتشتت كل - 00:15:54

يوم ولا اللي بتشرب سجاير طول السنة يعني بيمسك نفسه في رمضان ولا اللي ما بيعرفش يغض بصره ولا النفس اكيد اعلى من
كده. يا ايتها النفس المطمئنة التي اطمأنت الى امر الله فاستجابت. واطمأنت الى النهي فانتهت - 00:16:13
اخرجي الى مغفرة من الله ورضوان. وبرضو في بشارة اخرجي الى ايه؟ المغفرة قبل الرضوان. عشان ما تفهمش نفس المكونات دي
ما بتغلطش لا عشان بعض الناس فاكرين ان الالتزام يعني ما غلطش. ولما يغلط يقول لك انا انتكس. مين قال لك كده؟ لا النفس - 00:16:30

الالتزام مش معناه انك ما بتغلطش. الالتزام معناه انك لما بتغلط بتتراجع بسرعة. خدت بالك؟ والذين اذا فعلوا فاحشة. دول المتقين او
ظلموا انفسهم بسرعة السريع بقى ذكروا الله يعني ما تقفلش كتير عند الذنب. ذكروا الله فاستغفروا لزنبهم ومن يغفر الذنب الا الله
ولم يصرروا على ما فعلوا - 00:16:50

هل هم يعلمون اولئك جزاؤهم جنات مغفرة من ربهم وجنات تجري من تحتها الانهار خالدين فيها ونعم اجر العاملين عاملين ده لسة
عاملين فاحشة اه ما هو دول المتقين. المتقين بيعملوا فاحشة. لأن ما هم مش متقيين عشان عملوا فاحشة. هم متقيين عشان لما عملوا
الفاحشة كانوا بيتوبيوا بسرعة جدا. وبيستغفروا - 00:17:10

بسريعة جدا وما بيصروش. عشان كده النفس المطمئنة دي اول حاجة بشرط بها المغفرة. لأن انت لما بتيجي تقبل على الله. ايه اللي
ه تكون قلقان منه؟ عملك الصالح ولا ولا شوية السيئات اللي انت عاملهم؟ اكيد اول حاجة تبقى قلقان منها السيئات. واول حاجة دي
في بالك طب هعمل ايه لما اقابل ربنا؟ ده انا عامل وعامل. اه انا تبت منها بس انا ايش عرفني اتقبلت ولا لا - 00:17:30

فتأتي الملائكة تديك الایه؟ اللي انت تحتاجه الاول تحتاج الاول مغفرة. يبقى انت اول ما اتقاول لك مغفرة عرفت ان انت امنت
العقاب. ولما اتقاول لك رضوان عرفت ان انت نلت التواب. انت الواحد عنده ما يتعاقبشن - 00:17:50

ما ياخدش سواب بس ما يتعاقبشن. فدائما نفس تحب تدفع الضرر اهم من ان هي ايه؟ تستفيد. لذلك يقول ابشرني بمغفرة من الله

ورضوان قال فتخرج تسيل طبعا طالعة فرحانة. تسيل كما تسيل القطرة من في السيقاء. فياخذها ملك الموت حتى اذا خرجت روحه

- 00:18:04

يقول صلى عليها كل ملك. ما بين السماء والارض. يعني هم دلوقتي اخدها وطالعين ما ما بيعديش على ملك في السماء والارض الـ
صلعت على وحدي وهي طالعة. كل ملائكة بين السماء والملائكة في سماء وملائكة بين السماء والارض في ملائكة في السماء بس. واحد
بالك ؟ وآآ - 00:18:25

فالملائكة التي بين السماء والارض ما من ملك الا يصلى عليه. لغاية ما يوصلوا للايه ؟ للسماء. فاول ما يوصلوا للسماء تصلى عليه
الملائكة التي في السماء وتفتح له ابواب السماء. اول ما يأتي النفس دي كل ابواب السماء تفتح له. طبعا السماء لها ابواب. يأتي في
ال الحديث - 00:18:45

ما من اهل باب من الملائكة يعني الا وهم يسألون الله ان تمر هزه النفس من عندهم. يا رب يعدي عندنا احنا. تخيل انت الملائكة
تهافت عليك. الملائكة تشتاق اليك. نفسهم بس انت تعدي عليهم كده - 00:19:05

شوف الملائكة اللي احنا شايفينها دلوقتي ايه احسن مننا اجساد نورانية لا يعصون الله ما امرهم دول حبقو نفسهم انك تعدي عليهم
بس ده بالنسبة ما لهم شرف. نادي النفس الناجية. فان اخذها لم يدعوها في في يده طرفة عين. حتى يأخذوها فيجعلوها في ذلك -
00:19:20

ال柩 وفي ذلك الحنوط. يخرج منه اطيب نفحة مسك وجدت على وجه الارض. فيصعدون فلا يمرون على ملأ من الملائكة الا قالوا ما
هذه الروح الطيبة. فيقال فلان ابن فلان باحسن اسمائه التي كان يسمى بها في الدنيا. يعني احسن اسم بتحبه في الدنيا هتتسمى به
وانت طالع - 00:19:40

حتى ينتها الى السماء الدنيا. فيستفتحون له فيفتح لهم. فيشييعه من كل سماء مقربوها. خد بالك. كل سماء فيها ملك الملائكة
الملائكة دول اصناف. فيهم ملائكة اسمهم المقربين. دول اعلى انواع الملائكة في السماء ديت. الملائكة مش حاجة واحدة. الملائكة -
00:20:00

درجات عند ربنا برضو مش كده ؟ فيه مقربين وفيه ناس يعني ايه ؟ لهم درجات. ففي في كل سما ملائكة اسمهم مقربين فيبيقول
يشيعه من كل سماء مقربوها. مش اي حد. هيأخذ النفس دي. اعلى الملائكة هي اللي بتعامل معك. اعلى انواع الملائكة بس -
00:20:20

هي اللي بتعامل مع النفس ديت. حتى ينتهي به الى السماء السابعة. فيقول الله عز وجل اكتبوا كتاب عبدي في عليين. فقرأ النبي
عليه الصلاة والسلام وما ادرك ما عليون ؟ كتاب مرقوم - 00:20:40

يشهد برضو ايه المقربون فيكتب كتابه في عليين ثم يقال اعيدوه الى الارض فاني وعدتهم اني منها خلقتهم وفيها اعiedهم ومنها
اخراجهم تارة اخرى. قال فيرد الى الارض وتعاد في جسده خلاص روح ورجعت الناس دلوقتي بيدفونه خلاص هم بيدفونه حاليا.
فروحه ترجع فيبتدي يسمع قرع النعال - 00:21:00

ناس وهي ماشية خلاص. بيسمع قرع نعالهم بعد ما ايه ؟ ما مشيوا وهم مدبرون عنه. فاذا انصرفوا اته اتاه ملكان. شديد انتهار يعني
يشدوه كده شدة فينتهانه ويجلسانه ويقولان له من ربك ؟ فيقول ربى الله - 00:21:30

فيقولان له ما دينك ؟ يقول ديني الاسلام من نبيك ؟ من الرجل الذي بعث فيك ؟ قال هو رسول الله صلى الله عليه وسلم.
فيقولان له وما عملك ؟ قال قرأت كتاب الله - 00:21:49

امنت به وصدقت بذلك قول الله تعالى يثبت الله الذين امنوا بالقول الثابت في الحياة الدنيا وفي الآخرة ويضل الله الظالمين ويفعل
الله ما يشاء. فينادي ان صدق عبدي فافرشوا له من الجنة. والبسوه من الجنة. وافتتحوا له بابا من الجنة. رجل العقيد - 00:22:05
ايه ده ؟ هذا الكلام لن يخرج الا من رجل صاحب عقيدة. عقيدة قوية. فعلا ربى الله دي كان عايش بها ولها ودارسها وفاهمها ديني
الاسلام ما كانش عايش على هامش الدين. ما كانش علاقته بالدين معلومات سطحية. ما كانش مسلم كده بالولاده وخلاص -

كان مسلم بجد يحب دينه بجد. يدعوا لدينه بجد ببازل لدينه بجد.نبي محمد دي كانت بتترتب عنده يعني تصرفات يعني اتباع يعني افكار يعني يعني هدي وسمت. ما هو مش مش كده مش سهلة. يثبت الله الذين امنوا ايمان - 00:22:55 قوي ف يأتيه من روح الجنة وطيبها ويفسح له في قبره مد بصره ثم يأتيه رجل. رجل يخش عليه القبر قبر الواسع ده. حسن الوجه حسن الثياب. طيب الرائحة. فيقول له ابشر بالذى يسرك - 00:23:15

تخيل انت المشى قاعد سلام دي حاجة جميلة جدا. انت عارف يعني ايه ميت يا اخوانا؟ يعني انت الان في حالة صعبة جدا. انتهى كل شيء انتهى. لم يبقى لك الا العمل - 00:23:36

فلما تلاقي كده الدنيا جميلة والجنة بتتفتح تستبشر. لذلك عثمان رضي الله عنه كان يبكي بكاء شديد عند القبر. فيقولون له يعني نعجب تبكي عند القبر ولا تبكي عند زكر الآخرة. يعني نقول القبر تبكي نقول الآخرة عادي يعني ما تبكيش زيها اوبي يعني. قال ان القبر - 00:23:46

والمنازل الآخرة. فإذا صلح صلح ما بعده. يعني اذا كان خير اللي بعده اسهل اذا كان شر اللي بعده اصعب. فالقبر هو المحك عند عثمان رضي الله عنه. اذا وجد العبد هزا المشهد طبعا لا شك استبشر - 00:24:06
فيين بقى تعب قيام الليل؟ وفيين مجاهدة غض البصر؟ وفيين وفيين؟ الحاجات دي خلاص. خلاص اختفت اصلا. هو مجرد ما بي Shawوف في المشهد ده كل حاجة انتهت. فالراجل يقول له ابشر برضوان من الله وجنات فيها نعيم مقيم. هذا يومك الذي كنت توعد. قال وانت - 00:24:25

بشرك الله بالخير. من انت؟ فيقول انا عملك الصالح. فوالله ما علمتك ما علمت الا كنت سريعا في طاعة الله. بطينا في معصية الله. فجزاك الله خيرا الله شهادة جميلة اوبي. كلام كبير اوبي. بيتقاول من شخص ما بيكون. لقد علمتك. خد بالك - 00:24:45
الكلام ده مش فيش مجاملة. ما هو انت بيتقاول لك ده لو انت كده فعلا علمتك سريعا في طاعة الله. بطينا في معصية الله هل انت ينفع بيتقاول لك كده؟ احنا ما نقولش انت ما بتعصيشه نرجع تاني - 00:25:15
بتقول ايه؟ ان الرجل ده بيعصي عادي. بس بطيء في معصية الله. بطيء قوي يعني يوم ما بيقع بيقع فيين وفيين؟ ولما بيقع بيقوم بسرعة لانه سريع في طاعة الله والتوبة من طاعة الله. علمتك سريعا بتقوم الفجر بسهولة. بتصلني الصلوات - 00:25:35
بسهولة ما فيش عندك الدنيا سهلة. بقى ليه هين ما هي نفس مطمئنة يا اخوانا. علمتك سريعا في طاعة الله بطينا في معصية الله فجزاك الله خيرا. ثم يفتح له باب من الجنة وباب من النار. ليه - 00:25:55

شيء عجيب اتفتح له بابين بعد المشهد ده بيتفتح له باب من الجنة وباب النار ليه هتصلوا كده عشان يفرح اكتر؟ يفرح بايه؟ عشان الرجل ده هيشاور له على باب النار. يقول انظر لها - 00:26:15

هذا منزلك لو عصيت الله. كل واحد فينا يا اخوانا له منزلين عند ربنا. منزل لو عصى ومنزل لو اطاع. مكان في النار ومكان في الجنة في في القبر يعرض عليه المكانين. يقول له شايف النار دي؟ انت كنت هتبقى هنا لو عصيت ربنا. ابدلك الله - 00:26:30
به هذا المشهد ده يا اخواننا انت دلو قتي عندك حرية الاختيار. اديك انت شفت اهو واحد مات اهو احكي لك اهو. هذا منزلك وهذا منزلك. وانت اللي بتختار دلو قتي. وال اختيار ده مش مجرد اختيار ذهني محض. اه ما كلنا اكيد بنختار الجنة. لكن هو - 00:26:50
عملي كل امتى يدخلون الجنة الا ايه؟ قالوا ومن يأبى الا من ابى؟ قال ومن يأبى؟ ما مين ده؟ هو في حد مين مين هنا يأبى ان يخش الجنة؟ قال من اطاعني دخل الجنة ومن عصاني فقد ابى. كلام سهل. لكن التصرف هو اللي بيبدل - 00:27:10

انت عايز الجنة ولا مش عايزها؟ انت رافض ولا قابل؟ انت مقبل ولا معرض؟ لكن كلنا لو قلنا عملنا استفقاء من اللي عايز يخش الجنة ما شفتيش حد يكتب لا يعني كله هيبي عايز. لكن من اطاعني دخل الجنة من عصاني فقد ابى ابى بافعاله - 00:27:30
فإذا رأى العبد ذلك يقول ربى اقم الساعة ربى اقم الساعة كي ارجع فالى اهلى ومالي فيقال له اسكن. اهدى اهدى انت ايه استعجل ليه كده؟ ده لسه لسه البرزخ طوبل. ويؤتى بالعبد الفاجر - 00:27:48

اذا كان في انقطاع من الدنيا واقبال من الاخرة نزل اليه من السماء ملائكة غلاظ شداد سود الوجه معهم المسوح من النار. فيجلسون منه مد البصر. ثم يجيء ملك الموت حتى يجلس عند رأسه. فيقول - 00:28:08

ايتها النفس الخبيثة اخرجي الى سخط من الله وغضب. قال فتتفرق روحه في الجسد مش عايز تطلع مش عايز اطلع فينتزعها كما ينتزع السفود الكبير الشعب من الصوف المبلول. فتقطع معها العروق - 00:28:26

العصب فهل عنه كل ملك بين السماء والارض؟ وكل ملك في السماء وتغلق ابواب السماء ليس من اهل باب الا وهم يدعون الله الا تعرج روحه من قبلهم. فيأخذها اذا اخذها لم يدعوها في يده طرفة عين - 00:28:46

حتى يجعلوها في تلك المسوح ويخرج منها كأن تن ريح جيفة وجدت على وجه الارض. فيصعدون بها فلا يمرون بها على ملأ من الملائكة الا قالوا ما هذه الروح الخبيثة؟ فيقولون فلان ابن فلان باقبح اسمائه - 00:29:04

التي كان يسمى بها في الدنيا. حتى ينتهي به الى السماء الدنيا فيستفتح فلا يفتح له. فذلك قول الله تعالى لا تفتح لهم ابواب السماء اه ولا يدخلون الجنة حتى يلجم الجمل في سم الخياط. يعني اصلا ما يعديش. ولا يطلع في اول سمحت ما - 00:29:24

مرفوض تكرهه السماء كما كانت تكره الارض. حين كان يمشي عليها. لما مات هذا العبد فما بكت عليهم السماء والارض وما كانوا منظرين. اذا العبد المؤمن اذا مات بكت عليه الايه؟ السماء والارض - 00:29:49

فيقال فيقول الله عز وجل اكتبوا كتابه في سجين في الارض السفلى ثم يقال اعبدوا عبدي الى الارض فاني وعدتهم اني منها خلقتهم. وفيها اعيدهم ومنها اخرجهم تارة اخرى فتطرح روحه من السماء طرحا. اترمي - 00:30:09

حتى تقع في جسده. فذلك قول الله تعالى ومن يشرك بالله فكأنما خر من السماء. فتخطفه طير او تهوي به ريح في مكان سحيق. فتعاد روحه في جسدي ثم يسمع بقى ايه قرع النعال برضو فيأتيه الملك - 00:30:29

كان فينתרان فيقول له من ربك فيقول ها ها لا ادرى ما دينك ها ها لا ادرى من الرجل الذي بعث فيك ها ها لا ادرى سمعت الناس يقولون - 00:30:49

فيقال له لا دريت. ولا تليت. وينادي في السماء كذب عبدي. يعني هو كان عارف وبلغته رسالة ما هو بيقول لا قادرى عايز يقول انا ايه لقدس اعرف ما وصلتنيش حاجة ما اتاني منك من نزير - 00:31:11

يقال كذب كذب بل يعرف ولكنه كان معرضًا. هذا موقف الملحد. لا ادرى. جئت لا ادرى من اين اتيت ولكنني اتيت. لا ادرى عنوان لكل جاحد للدين منكر للاله منكر للغاية التي من اجلها خلقت الخالق. موقف الشاك في دينه - 00:31:29

مش لازم يكون انسان ملحد. في واحد مسلم وبيصللي بس هو شاكك في دينه. شاكك الى اخر لحظة في حياته كان شاكك في دينه. عنده مجموعة ضخمة من الشبهات ليس لها ردود. هو ما بيتعلم ما بيسألش. بيعرض نفسه للفتن. عايز شاكك حاسس ان في حاجة غلط. هو كده بيعمل بيؤدي بعض العبادات. لكن - 00:31:54

قرارة نفسه غير مؤمن. وفيه واحد صريح يكفر. فيه واحد بيتنصر. فيه واحد بيلحد. هم دول بقى. اصحاب المشهد الرهيب دوت. ها ها لا ادرى. لا ادرى. كذلك النصراني الذي عرض عليه الاسلام فاعرض. لذلك اليهودي المجنوس كل هؤلاء - 00:32:14

سألتون يقولون هذه الكلمة. لا ادرى. فهذا الملحد حينها سيدري. ان هناك بعث وان هناك حساب وعقاب. ولكن ولا تحين مناص. يوم لا ينفع. هذا العلم لا ينفع نفس الایمان ولم تكن امنت من قبل - 00:32:34

او كسبت في ايمانها خيرا. كذب عبدي افرشو له من النار فاتيه من حرها وسمومها يضيق عليه قبره حتى تختلف اضلاعه يأتيه رجل قبيح الوجه قبيح الثياب منتن الريح. فيقول ابشر بالذي يسوك. تخيل هذه الكلمة دي تقال وانت اصلا في الوضع الصعب دوت. انا عايز تقول لي انا مش - 00:32:54

ناقشك يا اخي انا في يعني في اللي مكيفيني. فين بقى؟ عايزك يعني انا بقول لك حط نفسك في المكان دوت. ابشر بالذي يسوك. انا عامله كالسيئ. علمتك بطينا في طاعة الله. سريعا في معصية الله. فجزاك الله شرا - 00:33:18

اقعد بقى انت ايه اقعد انت وانت دلو قتي سريع في معصية الله مسلا وبتستحضر المشهد دوت لما صاحبك يقول لك يلا القهوة

تجرى تطلب شيئاً وتشرب تغتاب وتتم وبص على اللي رايحة واللي جاية - [00:33:37](#)

لما دي تتزعم على الفرح المحجبة المحترمة تلبس بقى لبس ثاني خالص. وتنشيك شيادة تانية خالص وتروح تعمل واجب مع صاحبتها لازم وتروح تسمع اللي ما كتتش بتسمعه. وتروح لازم. اصل ده فرح صاحبتي - [00:33:56](#)

سريعة جداً. ما اتأخرتش خالص ولا قاومت حتى ولا رفضت. حاجة عجيبة. بطينة في طاعة الله بطيء في طاعة الله. فين وفين لما يحضر مجلس علم؟ بقى له سنين لسه بيحفظ سورة البقرة - [00:34:15](#)

بقى له سنين بيصللي الفجر كلها أسبوعين مرة في البيت. لما بيصحى عشان في ظروف ولا حاجة. بطيء اوبي. بطيء جداً في طاعة الله. طبعاً احنا ااسي طبعاً الكلام ده على العبد الكافر يعني. لكن احنا بناخد منه الكلمة انه يلام ان هو كان بطيء - [00:34:35](#)

يعني ده ما كنش بيطبع اصلاً سريع في معصية الله فجزاك الله شراً ثم يؤتى له يقيض له اعمى اصم شخص اعمى اصم وابكم. يعني ما فيش امل انك انت تتكلّم معه. لا بيشوف ولا بيسمع ولا بيtalk - [00:34:55](#)

ومعاشر زبة. حاجة ضخمة جداً كده مطروقة ضخمة. يضرب بها هزا العبد. حتى يصير تراباً. الضربة ضربة تحوله إلى تراب. ثم يعاد ويضرب فيتحول إلى تراب ثم يعاد. وهكذا حتى يقول - [00:35:15](#)

ريبي لا تقم الساعة. يضرب. ضربة زي دي. ضربة واحدة يا اخوانا دي اقوى من كل الام اللي شفتها في حياتك. يعني لو انتا تصورنا ان الالتزام فيه انواع من المتابعة. فيه ابتلاءات. لكن لا يوجد شيء - [00:35:35](#)

مثل هذه الضربة لو جمعنا كل الابتلاءات الملزمين في الدنيا لن تساوي ضربتك هذه الضربة. اصل على. اكيد اقل من الضربة ديت. اصل انا خايف كده يشدوني شدة ولا بتاع. معلش هي اكيد اقل من الضربة ديت - [00:35:55](#)

اصل انا خايف اصل انا بيقولوا علياً اصل اصل بص ما فيش حاجة زي الضربة ديت انسان يعني تحمل البلاء من اجل المشهد دوت انه لا يتعرض له ابداً ويفر منه - [00:36:15](#)

كان يستحق انا لما اشوف بلاء ايه اللي بيخليني استحمل بلاء ان انا ابقي افر من بلاء اشد منه. وعقوبة اشد من الضرر اللي ممكن او او البلاء اللي ممكن يصيبني بسبب الالتزام. سم ان كل الناس مبتلين اصلاً. يعني هو ملتزم بس المبتلى ان تكونوا تالمون فانه - [00:36:35](#)

يعلمون كما تالمون. عادي ما كل الناس تعبانة يعني. هو العاصي مستريح؟ كلنا تعبانين. لقد خلقنا الانسان في مش كده هذا مشهد؟ مشهد المشهد ده لو عشت فيه بس اسستم الدنيا هتبقى جميلة. حسن كتير ادائلك. مشهد الحسرات. يوم القيمة. نوع - [00:36:55](#)

يوم القيمة ليس لها نهاية. لذلك ربنا جل شأنه قال واندرهم يوم الايه؟ يوم الحسرة. فسماه يوم الحسرة من اوضح المشاهد في مشاهد الحسارات. شخص اللي كان نفسه بتنازعه على الرياء دايماً وعنه الصراع - [00:37:25](#)

والرياء ومش رباء والناس وتقول ومنزد ده لو اصلاً بيربى نفسه على مشاهد يوم القيمة مش هيفكرا اصلاً في القضية دي وقدمنا الى ما عملوا من عمل فجعلناه هباء منثوراً. وبعدين يعني استفاد ايه يعني؟ فرحتي بالناس - [00:37:45](#)

بيقولوا لك ايه الناس؟ عملوا لك الناس. يوم لا تملك نفس شيئاً. والامر يومئذ لله يؤتى بهذا المرأة يقول اذهب للذين كنت ترائهم. هل تجد عندهم من شيء؟ فتجد امر بقى سهل. يعني - [00:38:05](#)

الاخلاص بقى سهل. لما انا ابقي ايه بخلاص نفسي بذكرى الدار قل هل نبئكم بالاخسرین اعمالاً؟ الذين ضل سعيهم في الحياة الدنيا هم يحسبون انهم يحسنون صنعاً. وبدأ لهم من الله ما لم يكونوا - [00:38:25](#)

يحتسبون انسان جاي بقى فاكر ان هو معه جبال من الحسنات. فازا بها تتحول الى هباء منصور له. لم تكن لوجهه. اول ثلاثة تسرع بهم النار رجل جمع انما جمعوا ليقال قارئ ورجل جواد انما تصدق ليقال جريء ورجل مجاهد انما جاهد ليقال جريء واللي تصدق ليقال جواد - [00:38:40](#)

ده يقول لك انا عملت الله وده يقول عملت الله فيقال لك كذبت كذبت. فقال النبي يا ابا هريرة هؤلاء الثلاثة اول من تصاع بهم النار يوم القيمة انا لما اربى نفسي على المشهد ده قارئ قرآن امال انا يعملوا في ايه؟ اذا كان ده ختم القرآن واتعمل فيه كده. لا ما

فعملوا الكثير ولا قليل؟ رباء ما خلاص الرياء يدمر اي حاجة. فالنفس تلين بقى. لما انت تلaci نفسك كده ايه بتتنظر وتحسن نفسك عشان الناس بناء لو عديت على زهنك الكام اية دي والكم مشهد خلاص. الموضوع بقى ابسط من كده - 00:39:21

حسرة الشخص الزي لم يقتفي اثر النبي عليه الصلاة والسلام وابتدع هو يعلم انه على بدعة. لكنها كانت مزينة. فعاشر على البدعة ديت. وهو يمكن دي السنة ولا يتزم بها. حسرته هتبقى اد ايه يوم القيمة. والناس كلها تشرب من حوض النبي عليه الصلاة والسلام. هو لوحده بيطرد - 00:39:41

النبي عليه الصلاة والسلام يصف الحوض بتاعه يقول ما من مد بي شرب. يعني بس اللي بعدي كده هيشرب. اي حد من مد بي شرب ومن شارب لم يظلم بعدها ابدا. ولا يريدين علي اقوام اعرفهم - 00:40:11

ويعرفونني ثم تأخذهم الملائكة. فيقولوا هؤلاء مني. اختهم ليه؟ فيقال لي انك لا تدرى ما احدثوا بعدك. فاقول سحقا لمن بدل بعدى. تخيل انت وانت بقى ايه وصلت للحوت خلاص. قدامك اهو. مرة واحدة تجد الملائكة وقفت في النص بينك وبين الحوض وخدوك - 00:40:30

شالوك ورموك. وبتسمع النبي عليه الصلاة والسلام عندك امل ان هو يقول فيك كلمة كويسيه هؤلاء مني اخر امل فتلaciه هو هو نفسه يقول لك سحقا لمن بدل بعد يعني بعدا بعدا. فتدمر كل امالك. انك انت تشرب من الحوض. فلا الملائكة ستعيدك ولا النبي - 00:41:02

عليه الصلاة والسلام سيردك ويشفع لك. يا لحسرة من لم يتبع السنة. من عاش على اقوال المبتعدة ولم يقرأ الكتاب والسنة ولم ينهل من الصحيح ويعرف كيف يتبع النبي عليه الصلاة والسلام ويقتفي اثر النبي عليه الصلاة والسلام - 00:41:22

حصلت من ضيعوا الاوقات والاعمار في غير طاعة الله. هذا رجل يقول يا ليتنى قدمت لحياتي. يا ليتنى قدمت لحياتي. وهذا اخر يقول يا حسرتها على ما فرطت في جنب الله. وان كنت لمن - 00:41:41

ساخرين يقول لو ان الله هداني. بص هو ربنا بيتكلم عن نفوسه ان تقول نفس. احنا بنصلح النفس اهو. في نفس هتقول كده انا مش عايزك تكون زيه. ولا عايز نفسي اكون كده. انا دلوقتي بتفرج. وعندى حرية الاختيار - 00:42:01

بكرا هيكون في المشهد دوت. انا مش عارف هقول ايه. ومش عارف هموت على ايه. بس انا دلوقتي اقدر اعمل اللي علي. عشان افر من الكلمة ديت. عشان ما اكونش واحد من اللي هيقولوا الكلمة ديت. لو ان الله هداني لكنك من المتقيين. لو ان لي - 00:42:21
فاكون من المحسنين. انت الان في الامنية. الرجل ده بيقول لو ارجع بس مش هكون ده ما قلش من المؤمنين ولا من مسلمين لا فاكون من الايه؟ محسنين. ده انت كنت كافر اصلا. لا ده انا هبقى مسلم - 00:42:41

ومحسن هجيب اعلى درجة في الدين طبعا مش هيحصل ولو ردوا لعادوا لما نوا عنه وانهم لكاذبون. لكن انا عايز اقول لك ان واحد بالفجر ده يقول انا لو رجعت - 00:43:01

محسن ده اقل حاجة عندي. بعد اللي شفته. طب واحد شافه بيقول لك ربنا قال لك هيقول ايه لو انا عرضت المشهد ده على نفسي صبح وليل كتبتها في ورقة وعلقت كده عملت عندي سبورة صغيرة في الاوضة وكتبت فيها - 00:43:15

يا حسرة على ما فرطت في جنب الله. لو ان لي كرفة فاكون من المحسنين واكتب تحتها انت يا علاء في الامنية الان. فماذا انت فاعل هذا يومك. لذلك انت لما بتتصحي يا اخواننا بتقول ايه في الاذكار؟ ما انت لازم تفك. الحمد لله الذي احيانا - 00:43:33

بعد ما اماتنا واليه النشور. الحمد لله الذي عافاني في جسدي. الحمد لله الذي رد علي روحي الحمد لله الذي اذن لي بذلك. ما انت لازم تفكري يا اخواننا. انت كانك بتقول يا رب الحمد لله ان انت رجعتني بعد ما مت. ما انت كنت ميت. الله - 00:43:53

تتوفى الانفس حين موتها والتي لم تمت في منامها. فيمسك التي قضى عليها الموت ويرسل الاخرى الى اجل مسمى. هتقول الحمد لله ان انت رجعتني تاني طب الحمد لله الذي اذن لي بذكرى وانت ما صلتتش الفجر؟ الحمد لله الذي اذن لي بذكرى وبعد كده تولع سيجارة؟ الحمد لله الذي اذن لي بذكرى - 00:44:13

وبعد كده تنزل تمشي مع بت ازاي؟ انت بتحمد ربنا على ايه؟ يعني العمر ده بالنسبة لك ده كده نفقة مش نعمة لانك ازدلت به اثما وبعد افترض تحمد ربنا على نعمة هتستمرها صح عشان ما تجييش تقول الكلمتين دول. يوم القيامة. اكتب لنفسك كده اكتب نصائح لنفسك وعلقها. اعمل لنفسك ورق - 00:44:33

قدام التاب ورق قدام اللاب توب ورقة آآ خلفية موبايل. ذكر نفسك بمشهد او مشهددين. اعمل المشاهد دي ورق كده على السبورات اللي انت عاملها في البيت. مشي في خلفية الموبايل ومشهد على خلفية الكمبيوتر ومشهد على السبورة ومشهد كده علشان ما تغفلش ابدا لانك لن تؤتي الا من غفلة - 00:44:56

هم في غفلة معرضون. العكس بقى. اللي هو قال في الدنيا الحمد لله الذي يليق ذكر من قلبه ده المفترض ان هو بعد ما قال كده عمل ايه؟ ذكر ربنا اكيد. قال بقى اذكار الصباح بقى على مهله - 00:45:16

كان مصلي الفجر اصلا ونازل بنية كويسة يشتغل وبيتقى ربنا في الشارع وبيغض بصره ويعنى وبيتقى ربنا في شغله ووقت الصلة بيروح يصلى يعني راجل هو عارف قال ايه. ونازل بالنية ديت. ده هو نفسه اللي هيقول الحمد لله يوم القيامة. مش هيقول يا - 00:45:36

فمش هيقول ايه يا ريتاني والكلام ده خلاص. ده هيقول الحمد لله الذي اذهب عنا الحزن. ان بنى لغفور شكور. الذي احلنا دار المقامة من فضله. ما كنش عنده زياء ده ولا من ولا عشب ولا الكلام ده - 00:45:56

لا يمسنا فيها نصب. ولا يمسنا فيها لغوط. انا تعبت قوي في الدنيا. تعبت. عشان اوصل للمنزلة ديت الحمد لله الذي اذهب عنا الحزن هي دي طبيعة الدنيا. فيها نصب. وفيها لغوب. فيها حزن فيها الام - 00:46:16

اللي فاكر ان ان الدنيا تبقى حاجة تانية بيقى واهم. هو انت ماشي مش فاهم حاجة. انت فاكر ان انت طريق سهل الا ان سلعة الله غالبة. لابد من بلاء. لابد من تعب. لابد من حزن. لابد من يعني - 00:47:06

يعنى اشياء بتحصل لك في الطريق. لكن الكلمة دي بتھون عليك كل حاجة. غدا سينتهي هزا الالم غدا سيزول التعب. غدا سيبقى لك الاجر. يؤتى بابئس اهل الدنيا. من اهل الجنة. فيغمض في - 00:47:26

جنة غمرة واحدة. ثم يقال له هل رأيت بؤسا قط؟ فيقول له وعزتك لم ارى بؤسا قط فين تعب قيام؟ فين مجاهدة النفس؟ فين فين بكاء الاسحار؟ فين تعب الدعوة الى الله؟ فين فين - 00:47:46

كل ده خلاص. مع غمرة واحدة في الجنة. فكيف بمن ستكون الجنة دار ومقامه؟ الذي احلنا دار المقامة من فضله لا يمسنا فيها نصب. ولا يمسنا فيها لغوب. هذا الشخص - 00:48:06

الشخص اللي كان ماشي كده في الدنيا هو ده اللي هيقول الحمد لله الذي هدانا لهذا. وما كنا لنهتدي لو لا ان هدانا الله. هو ده اللي هيقول هقومه اقرأوا كتابية اني ظننت اني ملاق حسابي. فهو في عيشة راضية. في جنة عالية - 00:48:26

قطوفها دانية كلوا واشربوا هنينا بما اسلفتم في الايام الخالية. لكن الثاني هيقول يا ليتنى لم اوت كتابي ولم ادرى ما يا ليتها كانت القاضية. ما اغنى عنى ماليا. هلك عنى سلطانها. فين اصحابي؟ وفين فلوسي؟ وفين - 00:48:46

لزة وفين البت وفين النت وفين الاباحيات وفين فين راحت فين يا ريتني مت ولم ابعس زهب كل شيء وبقى الالم والندم. انا لم اقرأ سورة الحق بالنفسية ديت. لازم اطلع عندي تغيير. انا بقول ان القرآن هو اقوى علاج للنفس. لكن - 00:49:06

بالنفسية ديت بالقراءة ديت. انت بتقرأ بالشكل دوت. انت بتطلع بالثمرة ديت. هتطلع من سورة الحق واحد ثانى ما ينفعش تقرأ سورة الحق وهو يفضل سلوكك هو هو. بيقى انت ازاي بتعامل مع القرآن؟ تقرأ سورة فاطر وترى المشاهد اللي انا حكتها لك ديت وتطلع - 00:49:26

ادي كده ازاي؟ بيقى احنا بنقرأ القرآن غلط. ما القرآن اللي حول الصحابة من امة فاشلة الى اسياد العالم هو هو القرآن اللي انت بتقرأه. بس قراءة غير القراءة وتدرك غير التدبر وتخلق غير التخلق. واضح؟ ثم هنالك حسرة اصحاب رفقة - 00:49:46

اللي كان مش عايز يتوب عشان اصحابي ما يقولوش علي. علشان ما يزعلاوش مني. علشان آآ شكلي اصل انا وضع اصل اصل. اصل

انا ضعيف قدامهم. اصل ما اعرفش. اصل انا هصاحب مين طيب - 00:50:11

وبعدين انت عارف المشهد يوم القيمة عامل ازاي؟ يوم بعض الزالم على يديه يقول يا ليتنى اتخدت مع الرسول سبيلا. يا ويلتاه
ليتنى ليتنى لم اتخد فلانا باسمه خليلا لقد اضلنى عن الذكر بعد ازن جاءنى وكان الشيطان - 00:50:28

انسانة خزولاً. استمر الذين اتبعوا من العزاب. كل العلاقات انتهت وتقطعت بهم الاسباب. ما فيش بقى صحبوبة وما فيش بقى كفاعة وما فيش بقى الكلام ده انتهى. يوم يفر المرء من أخيه. وامه وابيه - 00:50:48

بس صحبة بقى - 00:51:06

دي اللي هتفرح بها يوم القيمة. لما تلاقي فلان اللي عمله احسن منك بيشدهك معنـي. وماساك في ايـدك. بيقول لك ما تخافش الاخـاء
يمـنـذ بعضـهم لبعضـ عدوـ الاخـاء يعنيـ اشدـ انـواعـ الصـادـقةـ. كلـهم اعـداءـ الاـ المـتقـينـ - 00:51:26

الا المتقين. بعد كده تلاقي نفسك انت والصحبة الصالحة دي مرة واحدة كده في يوم القيمة قعدت منابر من نور الملائكة شالتكم وحطيتكم فوق كل واحد له منبر لوحده والمنبر ده من نور. ولقيت نفسك قاعد كده يا باشا. ليه؟ هو انا عملت ايه؟ انا ولا حاجة. اانا لا نبي ولا - 00:51:46

شهید ولا علامة ولا اي حاجة هو انا كنت بعمل ايه؟ انت حطيتوني هنا ليه؟ فتلاقي ان انت اتحطيت هنا عشان انت كت بتحب الصالحين في الله. وكانت صحبتك كلها ناس طيبة. وبتحبهم في الله بجد. مش عايز - 09:52-09

العزة قال الله تعالى المتألبون في جناتي على منابر من نور يغبطهم عليها النبيون والشهداء - 00:52:29

قال النبي عليه الصلاة والسلام ان من عباد الله - 00:52:49
انتم بتقولوا انا ما كنتش شهيد ولا ناوي ولا اي حاجة يا اخوانا. وتلقي الانبياء والشهداء بيسدوك على المقام دوت. يغبطوك عليه.

ما هم بانبياء ولا شهداء يغبطهم الانبياء والشهداء يوم القيمة بمكانتهم من الله تعالى. قال رسول الله من هم؟ قال هم قوم تحابوا تحابوا بروح الله على غير ارحام بينهم. ولا اموال ينعتاونها. فوالله ان وجوههم نور. وانهم - 00:52:59

على نور لا يخافون اذا حزنون اذا حزن الناس. شف ده وشوف اللي بيقول يا ليتنى لم اتخد فلانا خليلا. لقد اضلني عن الذكر. لما انا اعرض على نفسى المشهددين دول اجد نفسى بسهولة - 00:53:24

قبل كده لا مش هقدر معلش انا مش هقدر معلش اصل انا قلت لك معلش مش هاخدتها. ايه اللي يخليك قوي كده؟ ما انت الحاجات دي، بتتعدي عليك لا ما - 00:54:04

مش هينفع انا انت مش عارف افker في ايده دلوقتي. هو مش فاهم. هو فاكر انك ضعيف زي الاول. لا احنا خلاص عرضت نفسي لنوع من الاغزية خلتني قوي. وبالتالي انا بتتبع بقى مجالس الصالحين وبحاول اصحابهم. يجي لهم في في الدار - 00:54:14
الدور واحدور عليهم واجي لهم في مجالس العلم في مجالس الزكر في بيوت الله. فصاحبهم اتعرف عليه. حاول ان انا فعلا اعرفه لله.
في فعلا ناس بس يا اخي فعلا تحس ان هم ما يعرفوكش غير لله. ممكن انت تلاقي نفسك في واحد اخوك في الله. علاقتك به
المسجد. ممك: بق. لا عش سنب: - 00:54:31

ما اعرفس غير اسمه الاول بس. ازيك يا حاج فلان؟ ازيك يا اخ فلان؟ ازيك يا شيخ فلان؟ خلاص هي دي العلاقة بينكم. وتحموا بعض. حب - 00:54:51

غير عادي. وبتقفوا مع بعض في المشاكل و بتساعدوا و بيساعدوك. ممكنا انت مش واحد ما تعرفش اسم ابويا اصلا. نسيت تسأله. او قال لك مرة و نسيت بس انت يعني ما فييش اي ما بينكم روابط تخليك تبقى عندك شغف انك تعرف المعلومة ديت. هو الحب في الله بس. واحد بالك - 00:55:01

هو ده اللي يحطك على منبر من نور. مشهد الحسرات من اصعب نشاهد يوم القيامة اشاهد الحزن مشاهد الفرح وجوه يومئذ ناضرة الى ربها ناظرة ووجوه يومئذ باسرة تظن ان يفعل بها فاقرة. مشهد يقال لهم - 00:55:21

الملاك تلقاهم. يقال هذا يومكم. هذا يومكم الذي كنتم توعدون. مشهد تاني قال ملائكة يقول لهم الم يأتيكم نذير الم يأتيكم نذير ده بيتفق لده وده كده. يوم حشر المتقين الى الرحمن وفدا. وفد الوفد بيتعمل ازاي؟ وفد مكرم. ونسوق - 00:55:54

المجرمين الى جهنم وردا. قال سبحانه وتعالى وحشرهم يوم القيمة على وجوههم عميا وبكما وصما لما ترى انت المشاهد ديت اختار بقى. اختار ما الذي تريده يوم القيمة؟ مشهد مثلا من مشاهد اللي ممكن تحفز الانسان مشهد الصدقة. الصدقة او الزكاة. النبي عليه الصلاة والسلام يقول المؤمن - 00:56:19

في ظل صدقته يوم القيمة. ظل ما هو في صناء يظلمهم الله مش كده؟ منهم رجل تصدق بصدقة فاخفاها حتى لا تعلم شمالة. ما تنفق يمينه. وواحد تاني بخل. لا زكاة ولا صدقة - 00:56:59

قال النبي عليه الصلاة والسلام ما من صاحب ذهب ولا فضة لا يؤدي حقها الا اذا كان يوم القيمة صفي فتحت له صفائح من نار. فاحمي عليها في نار جهنم. فيكون بها جنبه وجبينه وظهره كلما بردت - 00:57:19

اعيدت له في يوم كان مقداره خمسين الف سنة. تخيل انت خمسين الف سنة ده اليوم بس لسه النار. ثم ينظر في شأنه فيرى سبيله اما الى جنة واما الى نار - 00:57:39

مشهد النبي عليه الصلاة والسلام يحكي عن ثلاثة. قال لا يكلهم الله ولا ينظر اليهم ولا يذكرهم ولهم عذاب اليم شيخ زان. شيخ راجل مششيخ يعني شيخ الدقن يعني لا. شيخ يعني راجل كبير في السن يعني. شيخ زان - 00:57:59

ragel كبير في السن يعني ليه يعني تزني ليه انت مش ما عندكش دافع لا انت مش زي الشاب يعني ملك كزان. طب ملك يكتب ليه؟ انت ما لك؟ ما حدش بيحاسبك ما حدش خايف من حد - 00:58:18

عائل مستكبر فقير مستكبر ما عندكش حاجة تكبر بها. فالثلاثة دول بيعملوا معصية ما تنفعش معهم خالص. يعني ما فييش اي دافع حتى ان المعصية دي تحصل. فالثلاثة دول بالذرات ربنا يخلي عقابهم اشد من اي حد - 00:58:34

وعايز ادلك على قبح الزنا. ايه خاصة اذا كان في من ليس عنده دافع لذلك. متزوج الكبير الانسان يعني يتقي الله سبحانه وتعالى. النبي عليه الصلاة والسلام شاف مشهد الزنامة. حصل فيهم ايه؟ يوم القيمة. شافهم النبي عليه الصلاة والسلام في مسل التنور فرن - 00:58:50

اعلاه ضيق واسفله واسع اعلاه يعني ضيق واسفله واسع وهم في اسفل هزا المشهد في اسفل هذا الامر ولهم لغط واصوات. هناك رجال ونساء عراة يأتيهم اللهب من اسفل منهم زي ما كان الشهوة في الاسفل يأتيهم اللهب من اسفل منهم فاذا اتاهم اللهب ضو يعني صاحوا - 00:59:10

وارتفعت اصواتهم وارتفعوا النار تاخدتهم وتطلع بهم لغاية الفتاحة. بس الفتاحة ضيقة. لا تسمح بخروج احد. اول ما يحسوا بالامل يلاقى نفسهم نزلوا تاني حتى اذا كانوا ان يخرجوا خمدت. فرجعوا فيها. فسأل النبي عليه الصلاة والسلام جبريل من هؤلاء يا جبريل؟ قال هؤلاء الزناة - 00:59:42

والزواني. يقعد بقى كده هذا عذابه في البرزخ. لسه ليوم القيمة ولسه النار. اين متعة الزنا؟ اين ذهبت؟ الشخص اللي بيجي في باله كده خواطر نوع يعني لو اتيح له الامر سي فعل وسيفعل. فين اللزة هترووح فين؟ لزة الزنا تدوم قد ايه اصلا؟ دقائق - 01:00:02

للغاية. ممكن نقول نفس الكلام بس مش نفس العقاب طبعا. في الفيلم الاباحي. العادة السرية انا لما اشوف مشهد زي ده استقبح حتى العادة السرية. استقبح ان انا اترجع على فيلم اباحي. ده دولا الزناة والزواني - 01:00:32

اا يخشى الانسان ان يكون في نفسه؟ يقول لو اني اتيحت لي الفرصة لعملت بمثل عملي فيقال انتم في الاثم سواء اللي بيترج على فيلم اباحي ده بيجي له في نفسه بيقول نفسي اعمل كده. اه بيحصل - [01:00:50](#)

ونفسه ممكن توصل لدرجة ان هو يقول لو اتيح لي الفرصة سافعل. ممكن هو ما عملش. بس يكون هو اللي بيعمل كده في الاسم سواء. هو فاكر مشكلته كلها بس في الايه؟ ان هو اترج. لا ده انت ممكن تكون عملت وانت لم تفعل. بالنسبة. فهم في الاثم سواء. لو ان لي - [01:01:11](#)

مال كمال فلان اللي عملته بمسل ايه ؟ عملي. قال فهو بنيني وما في الاثم سواء. الانسان يحذر يا اخوان. المشاهد دي تخليل تخاص. لما تقرأ قوله تعالى يستخفون من الناس - [01:01:31](#)

ولا يستخفون من الله وهو معهم اذ يبيتون ما لا يرضي من القول وكان الله بما عملون محيطا. الاية دي ممكن تردوك؟ مش ممكن؟ انا باتكلم احنا بنعالج النفس بالقرآن. مش لازم نوصل للمشكلة ونبتدي نتعامل - [01:01:45](#)

لا انا مش هوصل لمشكلة اصلا. ليه اوصل لها؟ انا ليه اللي يخليني اعرف بنت في الحرام بعد ما عرفت الكلام دوت؟ وعرضته على قلبي وعلقي كثير. لغاية ما تهزيت نفسي بهذه المشاهد. انا ايه اللي يخليني اقع في الاباحيات والعادات السرية؟ وبعد كده ادور بقى يا شيخ اعمل ايه؟ بعد ما اتورطت وادمنت - [01:02:05](#)

طلعنا من بدري هتعالج وهربني نفسى على الدار الاخرة. تخليني عندي مقاومة عجيبة. ومناعة عجيبة تعرض علي الشهوات ارفض خلاص هتجد في سكينة وصلاح وخلاص ربنا يعصمني من الفتنة ديت بسبب الدار الاخرة. فامر - [01:02:25](#)

في امر امر قوي جدا تهزيل النفس بذكرى الدار الاخرة. مثلا لو انك اه رأيت اه الغادر النبي عليه الصلاة والسلام يقول عن الغادر اذا جمع الله الاولين والاخرين يوم القيمة يرفع لكل غادر لواء - [01:02:45](#)

فيقال هذه غدرة فلان ابن فلان. ازا عرف الانسان ذلك لم يغدر ابدا. لم يخن ابدا. انما يكون على النقيض تجد والموفون بعهدهم ازا عاهدوا والصابرين في البأساء والضراء وحين البأس اوئل الذين صدقوا. واولئك - [01:03:07](#)

هم المتقون. مش كده؟ لو انك نظرت الى مشهددين. مشهد شخص كان بيدعى امام الناس البلاء. هو مش مبتلى. وكان بيقعد يعمل نفسه يحتاج هو مش يحتاج ويسأل الناس وهو غني النبي عليه الصلاة والسلام يقول ما زال الرجل يسأل يسأل الناس حتى يأتي يوم القيمة وليس في وجهه مزعة لحم - [01:03:27](#)

ثم تنتقل لمشهد تاني واحد مبتلى بجد. بجد مبتلى لكنه صبر. وقنوع ورضي وحمد الله واثنى عليه ولم يسخط ولم يقطن ولم يشكوا همه لكل احد. انظر الى الاجر يوم القيمة. النبي عليه الصلاة والسلام حديث حسنة الالباني. قال النبي عليه الصلاة والسلام حديث - [01:03:56](#)

جميل في موضوع البلاء تنصب الموازين. تنصب الموازين يوم القيمة. فيؤتى باهل الصلاة فيوفون اجرورهم بالموازين ويؤتى باهل الصيام فيوفون اجرورهم بالموازين ويؤتى باهل الصدقة. فيوفون اجرورهم بالموازين. ويؤتى باهل الحج - [01:04:20](#)

سيوفون اجرورهم بالموازين ويؤتى باهل البلاء فلا ينصب لهم ميزان بشري جميلة لكل مبتلى صابر. انا لما ابتلى اصبر خلاص. فلا ينصب لهم ميزان ولا ينشر لهم ديوان ويصب عليهم الاجر صبا بغير حساب. ثم قرأ النبي عليه الصلاة والسلام انما يوفى - [01:04:50](#) صابرون اجرهم بغير حساب. ثم قال النبي عليه الصلاة والسلام حتى يتمنى اهل العافية. لو ان اجسامهم قرضا بالمقاريض مما زهب اهل البلاء من الفضل. الله! يبقى ده يساعدني في البلاء. اصل - [01:05:22](#)

نفسك في البلاء برضو ممكن تقول لك ليه واسمعنى انت وازاي وما فيش غيري وتلاقي نفسك في قليل الحمد قليل العمل لما خلاص طالما ربنا عملت في كده بقى انا مش هعمل انا كمان لا ده انت - [01:05:45](#)

لرز بالبلاء وهي اصلا دار بلاء. يا ترى في البلاء حكمة الله حكمة الله. وترى فيه الرحمة المهدأة. وترى ان الله ازا احب قوما ترى الاجر العظيم للصابرين واصحاب الرضا. فمهما كنت - [01:06:05](#)

لو كنت ضريرا لو كنت عاجزا لو كنت قعيدا. واحدة ما تجوزتش. واحدة ما خلفتش. واحد عقيم. واحد آآ يعني عنده مشكلة في في

امواله في اولاده واحد حياته مكركبة دايماً بس هو ما شاء الله مستقيم. عمره ما يقول لنفسه هو ليه ربنا بي عمل فيا كده؟ بالعكس.

يرى بقى المشهد ده في عرض - 01:06:22

عن الله ويصبر وينتظر اجر. ولا يحرم نفسه من طلب العافية طبعاً. هو مش هيقول خلاص حلو كده لأنـ دايماً بيسأل الله العافية. لكنـ

ازا استمر البلاء فهو راض عن الله سبحانه وتعالى. الحكم الظالم الذي يحتجب عن الناس. قال النبي - 01:06:45

عليه الصلاة والسلام من ولاد الله عز وجل شيئاً من امر المسلمين فاحتجب دون حاجتهم وفقرهم وخلتهم احتجب الله دون حاجته

وخلته وفقره يوم القيمة والنهاية الثانية تجد من السبعة الذين يزلمهم الله - 01:07:05

ملك عادل امام عادل شاب نشأ في طاعة الله من مشاهد صعبة جداً مشهد الرجل الذي معه قرآن ولا يصلـي المكتوبة النبي عليه

الصلاـة والسلام شاف المشهد ده راجل قاعد وفوقه راجل معه طوبـة ضخـمة حجر ضخم جداً. وده قاعد تحتـيه لا حول ولا قـوة.

استسلم - 01:07:27

تاني يرفع الحجر ويدغدغ به دماغه حتى تنفصل الى شقين. ويتدحرج الحجر يروح الرجل يجيب الحجر على ما يرجع يكون التأمـ

الدماغ دي التأمت في رفع الحجر ويضرـبه ضربـة ثانية هـكذا الى يوم القيمة. ده في البرـزخ. ده لـسه - 01:07:50

النبي عليه الصلاـة والسلام يقول لـجبريل مـين ده فيـقول جـبريل هـذا رـجل يـأخذ القرآن فيـرفـضـه وـيـنـامـ عنـ الصـلاـةـ المـكتـوبـةـ. يـنـامـ عنـ

الصلـاةـ المـكتـوبـةـ. ربـناـ اـدىـ لهـ قـرـآنـ ماـ بـيـقـراـشـ ماـ بـيـعـملـشـ بـهـ دـهـ حتـىـ الصـلاـةـ الفـرـضـ ماـ بـيـصـلـيـهـاـشـ. وـعـلـىـ الجـانـبـ

الـسـانـيـ - 01:08:10

تاجـ النبيـ عليهـ الصـلاـةـ والـسـلامـ يـقولـ يـؤـتـىـ بـصـاحـبـ الـقـرـآنـ قالـ اـذـ اـنـشـقـ عـنـ القـبـرـ اـولـ ماـ يـطـلـعـ اـولـ

ماـ يـطـلـعـ عـلـىـ طـوـلـ. مـينـ اـولـ وـاـحـدـ هـيـقـابـلـهـ؟ يـاتـيهـ رـجـلـ شـاحـبـ. يـقـولـ الاـ تـعـرـفـنـيـ؟ يـقـولـ لـاـ اـعـرـفـكـ. اـنتـ مـينـ - 01:08:36

يـقـولـ اـنـاـ صـاحـبـ الـقـرـآنـ. اـنـاـ صـاحـبـ الـقـرـآنـ. الـذـيـ اـظـمـاتـ اـظـمـاتـ هـوـاجـهـ وـاسـهـرـتـ لـيـلـكـ اـنـتـ كـنـتـ بـتـصـلـيـ بـيـ

فـاكـرـنـيـ؟ اـنـاـ بـتـصـلـيـ لـقـيـامـ لـلـيـلـ وـبـعـدـ كـدـهـ نـنـزـلـ نـصـلـيـ الـفـجـرـ معـ بـعـضـ اـنـاـ صـاحـبـ - 01:08:56

التـانـيـ عـاـمـلـ اـزاـيـ؟ اـنـاـ صـاحـبـ الـقـرـآنـ. حـبـبـكـ خـلـيـ بـالـكـ اـنـاـ مـشـ هـسـبـكـ التـهـارـدـ وـانـ كـلـ تـاجـرـ منـ وـرـاءـ تـجـارـتـهـ وـانـكـ منـ وـرـاءـ

كـلـ تـجـارـةـ فـيـعـطـيـ الـمـلـكـ بـيـمـيـنـهـ وـالـخـلـدـ بـشـمـالـهـ وـآـآـ - 01:09:17

يلـبسـ تـاجـ وـقـارـ وـيـكـسـيـ وـالـدـاهـ حـلـتـانـ لـاـ تـقـومـ لـهـمـ الـدـنـيـاـ. فـيـقـولـانـ بـمـاـ كـسـيـنـاـ هـذـاـ؟ فـيـقـالـ باـخـذـ وـلـدـكـماـ الـقـرـآنـ فـرـقـ كـبـيرـ بـيـنـ الـلـيـ يـقـرأـ

الـقـرـآنـ وـيـعـملـ بـيـقـيـامـ لـلـيـلـ وـيـصـلـيـ الـفـجـرـ - 01:09:34

وـبـيـنـ الـلـيـ ربـناـ اـكـرـمـهـ بـشـوـيـةـ قـرـآنـ وـبـيـنـامـ عـنـ الصـلاـةـ المـكتـوبـةـ وـهـوـ الـلـيـ بـيـصـلـيـ فـاحـزـرـ رـبـيـ نـفـسـكـ. بـهـذـهـ المشـهـدـ العـامـ

الـاـلـمـ الـاـكـمـلـ. الـذـيـ يـحـصـلـ فـيـهـ الـاـنـسـانـ نـتـيـجـةـ عـمـلـهـ - 01:09:55

خـلاـصـةـ الـخـلاـصـةـ. هوـ قـدـرـ النـورـ. يـساـويـ قـدـرـ الـعـمـلـ. وـقـدـ عـوـضـ الـا~نسـانـ ضـعـفـ النـورـ الـلـيـ عـنـدـهـ. بـالـصـحـبـةـ الصـالـحةـ. اـمـاـ مـنـ لـمـ يـجـعـلـ اللـهـ

لـهـ نـورـاـ مـاـ لـهـ مـاـ نـورـ. اـذـ جـاءـ يـوـمـ الـقـيـامـ قـالـ الـمـنـافـقـونـ وـالـمـنـافـقـاتـ لـلـذـينـ اـمـنـواـ اـنـزـرـوـنـاـ نـقـتـبـسـ مـنـ نـورـكـمـ - 01:10:17

بـصـوـاـ ماـشـيـنـ مـعـ بـعـضـ سـاعـدـوـ بـعـضـ. وـقـاعـدـ نـورـهـ يـعـنـيـ ايـهـ؟ الصـحـبـةـ الصـالـحةـ نـفـعـتـكـ اـهـيـ. ماـشـيـنـ مـعـ بـعـضـ. بـسـ بـشـرـطـ اـنـ اـنـتـ

تـكـوـنـ مـؤـمـنـ مـعـنـاـ يـعـنـيـ. تـكـوـنـ مـنـافـقـ لـأـ مـعـلـشـ اـنـتـ اـصـلـاـغـرـ قـاـبـلـ. غـيـرـ قـاـبـلـ لـلـنـورـ. قـيـلـ اـرـجـعـوـ وـرـاءـكـمـ. يـعـنـيـ ايـهـ وـرـائـكـمـ؟ اـرـجـعـ وـرـاءـ

شـوـيـةـ يـعـنـيـ وـلـاـ اـرـجـعـ فـيـنـ - 01:10:47

اـرـجـعـ الدـنـيـاـ فـالـتـمـسـواـ ايـهـ؟ نـورـاـ. يـعـنـيـ ايـهـ نـورـاـ هـنـاـ؟ يـعـنـيـ قـرـآنـ. يـعـنـيـ صـلاـةـ يـعـنـيـ غـضـ بـصـرـ. يـعـنـيـ بـرـ وـالـدـينـ. يـعـنـيـ

حـاجـاتـ كـتـيرـ التـمـسـ نـورـاـ بـقـىـ رـحـ هـاتـ نـورـ - 01:11:07

يـبـقـىـ اـنـاـ اـنـاـ فـهـمـتـ بـقـىـ المـعـنـىـ. اـنـاـ هـنـاـ بـجـمـعـ نـورـ يـاـ اـخـوـانـاـ. اـنـاـ هـنـاـ بـجـمـعـ نـورـ. عـشـانـ فـيـ يـوـمـ ضـلـمـةـ. فـيـهـ

صـرـاطـ فـيـ فـيـ مشـاهـدـ صـعـبـةـ اـنـاـ مـحـتـاجـ نـورـ عـلـىـ قـدـ ماـ اـقـدرـ. عـشـانـ عـلـىـ الصـرـاطـ فـيـ نـاسـ نـورـهـ كـالـجـبـلـ. وـفـيـ نـاسـ نـورـ عـنـدـهـ زـيـ

صـوـبـعـ رـجـلـهـ - 01:11:20

وـكـدـهـ يـطـفـيـ مـرـةـ وـيـولـعـ مـرـةـ وـمـاـشـيـ يـحـسـسـ. مشـ عـارـفـ هـيـعـدـيـ وـلـاـ. لـاـ اـنـاـ ايـهـ الـلـيـ هـيـخـلـيـنـيـ اـحـطـ نـفـسـيـ المـأـزـقـ دـوتـ؟ اـجـمـعـ نـورـ. اـنـ

الصلوة نور. القرآن نور جمع على قد ما تقدر - 01:11:40

لسة هتقول لي نفسك ولسه بجاهد. انجز. ارجعوا وراءكم. انت بقى في الوراء ده انت موجود دلوقتي الناس الثانيين عايزين يرجعوا مش عارفين فالتمسوا نورا يلا قل لنفسك بقى التمس يا نور. يلا بقى. مستنيين ايه؟ قرينا القرآن اهو. عملنا به ايه؟ انا عايز اقول لك خلاص - 01:11:53

فان قضية تربية النفس بناء النفس بمعزل عن الدار الآخرة امر طويل جدا وصعب وشاق النتيجة ضعيفة لكن اذا الانسان دعم نفسه بحسن ذكرى الدار وتكرار المشاهد دي على قلبه ونفسه سمع كتير عن دار الآخرة - 01:12:16

مع المشاهد دي كتير لا شك ان هي تكون لها اثر بالغ في الاستقامة في سرعة الاستجابة. هتجد نفسك فعلا سريعا في طاعة الله بطريقا في معصية الله انا اخلصناهم بخالصة ايه؟ ذكر الدار. فعلينا المرة القادمة نكمل الكلام عن الجنة ونتكلم عن النار. يكون فيها نوع من التهذيب العالى جدا - 01:12:35

النفس فنسأل الله سبحانه وتعالى ان يجعلنا من اهل الايمان واهل القرآن وان يرزقنا حسن الذكرى وحسن العمل. يقول قولي هذا واستغفر الله لي ولكم - 01:12:55